

佛说四辈经

西晋三藏法师竺法护译



南無本師釋迦牟尼佛

说明

本简体校正版《佛说四辈经》电子书，根据《乾隆大藏经》大乘单译经，第 0463 部，西晋三藏法师竺法护译《佛说四辈经》原龙藏雕板印刷影印本校正。句读仅作参考。特此说明。

仁慧草堂

二〇一七年十一月

● 起诵仪

香赞

(一遍)

炉香乍爇. 法界蒙熏. 诸佛海会悉遥闻. 随处结祥云. 诚意方殷. 诸佛现全身.

南無香云盖菩萨摩诃萨 (合掌三称)

南無本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说四辈经^{一名四} 辈学经

西晋三藏法师竺法护译

闻如是：一时，佛在舍卫国·祇树·给孤独园。

尔时，诸四辈弟子、天帝、龙、鬼神、质谅神，皆诣祇树，稽首佛足，却就常位坐。

佛告诸弟子：“吾今所出法经，所可教戒，皆自各守其意念。末世毒然之时，四辈弟子，若出家、若居家修道，皆狂醉众色，不复承用佛经法，专愚自用，便使吾道薄淡，令世人谤讪吾道，信是弟子傲慢所致。”

鹞鹭子正衣服，叉手一心，听佛说四辈经如是。

佛言：“若末世男子，能出家除剃头发为道者，第一，去离爱欲，志存大乘。常当慈悲，喜护为主，去想行普念一切蜎飞蠕动之类，视之如身无异，不得妄起恚怒。深入明度，常以明度权便诱致朦冥，使入无极。以戒德除心秽病，不得为世间之业。能行此者，便可出家，名曰道士。

“不可依恃吾法，自以出家为信，不专念道，或能有下贱之人，倚道自活，无益一切，而但出

意说，为人师主，轻薄戏调，不自检察，使尊法薄淡，世人不信，非吾出家弟子之法也。”

佛言：“若有女人，出家除发为道，以去爱欲。当专精静处，不得与出家男子同庙止。若行师受，当有等类，不得独往禀受。常当晚出早还，不得妄出庙宿止。但得教授女人，不得教授男子。所著衣服，不得刻缁帛、彩色、苾芬；不得轻言戏语，不得贪财宝物，戒行清净，名曰出家道人。

“若轻言戏讪，未语预笑，心志不定，意行秽浊，恶口骂詈，轻言不节，不能静处，憍慢自大，不自检敕者，虽复出家，故是贱人，非出家弟子也。”

佛言：“若有男子，心志系道不能出家者，在于爱欲之中，当受持五戒、月六斋。第一，孝顺父母，治家养子。朝暮烧香然灯，稽首三尊，悔过十方，恭敬四辈，不得慢经自大。去离悭贪，常以至诚，不得欺殆世人。不得与世间人妻妇坐起同席，住行相随，同室异床。除去四事，以四等心普视一切，老者若父若母，少者若弟若子。恒以明度法药洗除众病，不得妄瞋恚骂詈。常以无极方便诱解世人，使入大乘，不得为新学者说深经奥妙之义，当为除想识无罣碍者。不得绮饰

衣服。不得与世间妻女戏譏、言语、往来报答，以致因缘。如是者，为清净道人。

“若行不清净，贪利财色，或于世俗绮饰衣服，互相翹举，但结非恶，眇睐所欲，轻言戏譏，未语预笑，托己同法，口说妙言，外似清虚，内怀贪惑，心存财帛，以自供给，活于妻子。慢佛尊经，不复修学，反习外道之术，世药解奏，符咒厌说，疗治众病；因缘外道解奏之术，或于财帛，約束上下，贼意欲得，因解奏之术，不持吾法。当来者却皆由斯辈，是故非吾法学弟子也。”

佛言：“若有女人不能出家，在于爱欲之中，心乐道者，当持五戒、月六斋。孝顺父母、姑嫜、叔妹、夫婿。不得挝骂儿子、婢使。不得轻行来宿止他家。不得与世间男子语言、调弄、戏笑。不得妄瞋恚、骂詈、恶口。不得证说他人恶。不得陷人儿子、妻妾、奴婢过恶。恒当专精，念道为上首。不得与世间凡人说法颜貌。不得与人男子相扱。不得教他人男子。不得说世间吉凶、善恶、灾变之相。不得憍慢自大。昼夜三时烧香，稽首三尊，悔过十方，禀受经行，言数自劝。不得希望供养，贪利财帛。不得嫉妬夫主。当自贱女人身，愿为男子，转身受福，可得上天宫观自

然。是清信女人学道之法。

“若不孝顺，憍慢姑嫜，嫉妬夫主，挝骂奴婢造恶，自是怨恨恚怒，毒意向人，行者如是，是为非法学女人弟子也。”

佛告诸弟子：“清慎汝心，守护身口，恒以四等济于众生，以道宝之慧恩施一切，如佛教诫必得度世。”

弟子诸来会者，闻佛说经，欢喜奉行，作礼而去。

《佛说四辈经》卷终

● 结诵仪

补阙真言

(三遍)

南無喝啰怛那. 哆啰夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛那. 吽. 泼抹拏. 娑婆诃.

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；
自皈依僧，当愿众生，统理大众，一切无碍，和南圣众。

南無佛 南無法 南無僧 (合掌三称)

南無一切如来、应、正等觉 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

回向偈

(一遍)

诵经功德殊胜行 无边胜福皆回向
 普愿沉溺诸有情 速往无量光佛刹
 十方三世一切佛 一切菩萨摩诃萨
 摩诃般若波罗蜜

回向偈

(一遍)

愿以此功德 庄严佛净土
 上报四重恩 下济三途苦
 若有见闻者 悉发菩提心
 尽此一报身 同生极乐国



此咒置经书中可灭误跨之罪

南无护法韦驮尊天菩萨

